



Na osnovu člana 14.3 stav (6) Izbornog zakona Bosne i Hercegovine („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i Instrukcije o postupku provedbe ponovnih izbora za općinskog načelnika i općinsko vijeće na svim redovnim biračkim mjestima, biračkom mjestu za glasanje nepotvrđenim glasačkim listićima i mobilnim timovima u osnovnoj izbornoj jedinici Stolac broj: 05-1-07-1-300-1/17 od 05.02. 2017. godine, Centralna izborna komisija Bosne i Hercegovine je na 7. sjednici, održanoj 05.02.2017. godine, d o n i j e l a

UPUTSTVO

o rokovima izbornih aktivnosti za održavanje ponovnih izbora u osnovnoj izbornoj jedinici Stolac

Član 1.

- (1) Centralna izborna komisija Bosne i Hercegovine (u daljem tekstu: Centralna izborna komisija BiH) je na 7. sjednici, održanoj dana 05.02.2017. godine, donijela Odluku o raspisivanju i održavanju ponovnih izbora u osnovnu izbornu jedinicu Stolac.
- (2) Ponovni izbori u osnovnoj izbornoj jedinici Stolac održat će se u **nedjelju, 19.02.2017. godine.**

Član 2.


- (1) **Rokovi teku** od 06.02.2017. godine.
- (2) **Imenovanje članova biračkih odbora** vrši nadležna općinska izborna komisija u skladu sa sljedećim rokovima:
 - a) Općinska izborna komisija odmah nakon donošenja odluke o raspisivanju ponovnih izbora upućuje poziv svim političkim subjektima za imenovanje članova biračkih odbora koji imaju pravo učešća u dodjeli pozicija u biračkim odborima u skladu sa članom 3. Instrukcije o postupku provedbe ponovnih izbora za općinskog načelnika i općinsko vijeće.
 - b) Politički subjekti najkasnije dva (2) dana od prijema poziva od strane općinske izborne komisije dostavljaju prijedlog kandidata za članstvo u biračkim odborima.
 - c) Nadležna općinska izborna komisija imenuje članove biračkih odbora i dostavlja akte o imenovanju članova biračkih odbora političkim subjektima i Centralnoj izbornoj komisiji BiH najkasnije u roku od jednog (1) dana od dana donošenja odluke.
- (3) **Određivanje lokacija biračkih mjesta, objavu i dostavu podataka o određenim lokacijama Centralnoj izbornoj komisiji BiH**, nadležna općinska izborna komisija obaviti će najkasnije sedam (7) dana prije dana održavanja ponovnih izbora, odnosno do 12.02.2017. godine.
- (4) **Zahtjevi za akreditiranje posmatrača političkih subjekata** podnose se izbornim komisijama najkasnije tri (3) dana prije dana održavanja ponovnih izbora, odnosno do 16.02.2017. godine.

- (5) **Zahtjevi za akreditiranje posmatrača iz udruženja građana** podnose se Centralnoj izbornoj komisiji BiH najkasnije tri (3) dana prije dana održavanja ponovnih izbora, odnosno do 16.02.2017. godine.
- (6) **Zabrana objavljivanja** rezultata ispitivanja javnog mnijenja počinje 48 sati prije otvaranja biračkih mjesta i traje do zatvaranja biračkih mjesta, odnosno u periodu od 17.02.2017. godine u 07,00 sati do 19.02.2017. godine do zatvaranja biračkih mjesta.
- (7) **Zahtjevi za akreditiranje međunarodnih posmatrača** podnose se Centralnoj izbornoj komisiji BiH najkasnije jedan (1) dan prije dana održavanja izbora, odnosno do 18.02.2017. godine.
- (8) **Izborna šutnja** počinje 24 sata prije otvaranja biračkih mjesta i traje do zatvaranja biračkih mjesta, odnosno u periodu od 18.02.2017. godine u 07,00 sati do 19.02.2017. godine do zatvaranja biračkih mjesta.
- (9) **Birački odbori vrše dostavu rezultata glasanja i kompletan izborni materijal do nadležne općinske izborne komisije**, najkasnije u roku od 12 sati po zatvaranju biračkih mjesta, odnosno do 20.02. 2017. godine do 7,00 sati.
- (10) **Općinska izborna komisija dostavlja zapisnike sa objedinjenim zbirnim rezultatima glasanja na nivou općine** Centralnoj izbornoj komisiji BiH najkasnije 24 sata po zatvaranju biračkih mjesta, odnosno najkasnije do 20.02.2017. godine, do 19,00 sati.
- (11) **Preliminarne nezvanične i nekompletne rezultate ponovnih izbora za Općinu Stolac**, Centralna izborna komisija BiH objavit će 24 sata po zatvaranju biračkih mjesta i po dobijanju rezultata od nadležne općinske izborne komisije, odnosno 20.02.2017. godine u 19,00 sati.
- (12) **Krajnji rok za prijem glasačkog materijala za glasače putem pošte** je 10 dana od dana održavanja izbora, odnosno zaključno sa 01.03.2017. godine, sa otiskom pečata pošte sa datumom ne kasnijim od dana održavanja ponovnih izbora.
- (13) **Utvrđivanje i objavu rezultata ponovnih izbora za Općinu Stolac**, Centralna izborna komisija BiH obaviti će najkasnije u roku od 12 dana od dana održavanja ponovnih izbora, odnosno do 03.03.2017. godine.
- (14) **Podnošenje zahtjeva za ponovno brojanje glasačkih listića** vrši se u roku od tri (3) dana od dana objave utvrđenih rezultata ponovnih izbora.

Član 3.

Ovo uputstvo stupa na snagu danom donošenja, a objavit će se na internet-stranici Centralne izborne komisije BiH, www.izbori.ba.

Broj: 06-1-07-1-301-1/17
Sarajevo, 05.02.2017. godine



Predsjednica

Dr. Irena Hadžiabdić